

docriver 文川网
入驻商家 古籍书城
在文川网搜索古籍书城 获取更多电子书

中國方志叢書·西部地方·第三號

據清·乾隆間抄本影印
清·乾隆間抄本影印

SK/26/23

新疆省

西陲紀事本末



成文出版社印行



10094110

中華民國五十七年三月壹一版

西陲紀事本末

定價：新台幣一二〇元正

發行人：黃 成 助

臺北郵政信箱二二六〇五號

出版者：成 文 出 版 社

臺北郵政信箱二二六〇五號
電話：九二二〇一〇號

印刷者：正 大 印 製 廠

三重市長生街一號之一



內政部登記證內版臺業字第一一四七號

西陲紀事本末卷一

御製十全記

昨准廓爾喀歸降命凱施班師詩有十全大武揚之句蓋引而未發茲特叙而記之

夫記者志也虞書朕志先定乃在心周禮春官

1

掌邦國之志乃在事旅熬志以道寧則無心與事而言之然總不出夫道得其道乃能合於

天以冀承乎

docsriver 文川网
入驻商家 古籍书城

在文川网搜索古籍书城 获取更多电子书

既則予之十全武功庶幾有契於斯而可志以記之
乎十功者平準噶爾為二定回部為一掃金川
為二靖臺灣為一降緬甸安南各一即今二次
受廓爾喀降合為十其內地之三叛么膺弗屑
數也前已酉廓爾喀之降蓋因彼擾藏邊界發
偏師以問罪而所遣鄂輝等未宣我武巴忠乃
遷就完事致彼弗懼而去歲復來以致大掠後
藏飽欲而歸是以罪庸臣選名將勵衆軍籌儲

洵福康安等深感朕恩弗辭勞苦於去歲冬月
即率索倫四川降番等精兵次第由西寧冒而
雪進今歲五月遂臨邊境收復藏邊攻克賊疆
履線險如平地渡溜要若蹄泔繞上襲下埋根
批吭手足胼胝有所弗恤七戰七勝賊人喪胆
及兵臨陽布賊逆屢遣頭人匍匐乞降將軍所
撤事件無不謹從而獨不敢身請軍營蓋彼去
歲誘箴之噶布倫丹津班珠爾等前去故不敢

出也我武既揚必期掃穴犁庭不遺一介亦非
所以體

上天好生之意即使盡得其地而西藏邊外又數千
里之遙所謂不可耕而守者亦將付之他人乃
降旨允降班師以歲斯事昔唐太宗策頡利曰
示之必克其和乃固廓爾喀非頡利之比番邊
殊長安之近彼且乞命顓思准之不暇又安敢
言和乎然今日之宣兵威使賊固意求降歸順

竇與唐太唐宗之論有所符合昔予記土爾扈
之事於歸降歸順已志言之若今廓爾喀之謝
罪乞命歸降歸順蓋並有焉以其悔過誠而獻
地功也迺知守中國者不可徒言偃武修文以
自示弱也彼偃武修文之不已必至棄其故有
而不能守是亦不可不知耳知進知退易有明
言予竇服膺弗敢忘而每於用武之際更功深
思定於志以合乎道幸而五十七年之間十全

武功豈非

天既然

天既逾深予懼益切不敢言感兢兢惶惶以俟
天眷為歸政全人夫復何言

乾隆五十七年歲次壬子孟冬月之上澣御筆

蓋聞制勝克敵聖人貴先幾之斷討而舍服王者無用戰之師是以干羽之格七旬獫狁之征六月兩階之舞九伐之威義正仁育其揆一也
欽惟我

皇上握璇衡以春天撫蘿圖而建極月竄日際罔敢弗庭西賁南琛無不服惟茲廓爾喀者思遠處極邊去衛歲三千餘里其人則其地則章亥之所未步潛吹虺毒妄肆鴟張游

食鄰封歷有年所乾隆五十三年乃敢驅其醜
類犯我藏界

天戈所指旅即遁逃鹿豕險而擇音鮒涸轍而噓
沫項經詣

闕爰輸就日之誠祝網希

思暫緩防風之戡何期梟怯不馴狼貪反顧徒陳
魏絳之議竟渝頡利之盟先誘西藏丹津班殊
爾等而就之遂稱兵肆掠札什倫布餘賊復衆

於濟隴聶拉木絨轄邊界蓋以為地險萬里舟
車不能至也天樞九重雷霆不能及也於是鼓
角宵鳴旄頭曉落塵生紺殿三千法界之哭風
捲珠林五百修羅之劫蓮座之裝嚴頓毀靈幢
之花雨警飛律犯貪嗔心生恐怖燃烽告警闔
境戒嚴

帝用震怒曰是不可赦耳衛藏之地久隸版圖乃廓
爾喀反復非常狡焉思逞不加撻代曷禁兇頑

於是

發明詔選重臣

命御前大臣領侍衛內大臣武英殿大學士一等嘉

勇公福 為大將軍領侍衛內大臣一等超

勇公海 四川總督兼兵部尚書都察院內

都御史惠 為叅贊大臣指授

方畧統率勁旅雲臺犀甲張組練於風雲羽林虎步

耀戈鋌於霜雪前旌乍轉後陣長驅滿漢索論

屯土降番諸岳無不景從響集星馳雷動五十七年正月己丑大將由青海至藏其時聶拉木賊衆先經碩隊大臣成德等率兵掩捕聚而殲焉四月乙未大將軍兵次定日復遣碩隊大臣岱森保等與成德偏師出聶拉木令曰見可而進毋輕犯險又遣川北鎮總兵官諸神保等駐兵絨轄令曰防其間出擾我後路大將軍與叅贊大臣公海親督勁兵直取濟隴而蔓延之戰

已洊及擦木我兵中秋冒雨分隊競進叅贊大
臣惠率師繼之遠瞰封泥之固預搜伏莽之戎
百道飛行三軍氣湧賊衆拒巖椒而峻壘疊石
酋以開營拔穴偷安危巢延息釜魂莫竄及血
爭飛奔走既窮阻隘斯克甲辰舉擦木次日賊
兵援至過於瑪噶爾甲山梁才梟忽鳴轄爾轄
蛇突出再接再厲殲戮無筭丁未師於濟罷揮
椿喉之長戈展攻心之上策重圍四合大纛高

懸堅壁壓於頽雲危礪摧於烈焰破一軍之甲
不待崇朝斬二丈之綏曾無踰刻凡賊衆盤踞
之所至是志復聶拉木官兵亦克札木以進賊
衆連北軍聲赫焉由濟隴以西遂臨賊境危峯
崩律密箐陰森毒霧漲空警濤殷壑馬懸蹄而
不上烏戢翼以爭迴賊衆負巉巖阻深溪我兵
仰攻矢石不及大將軍令領隊大臣副都統阿

滿泰

乾清門侍衛哲森保等率兵越我綠山疾趨熱索
橋上游縛筏竟渡壬子克之餘衆退保於協布
曾我兵乘勝突入賈勇有餘三更畏鄧艾之毡
十步設劉鄩之計長矛半段奪斬鋒鋸巨刃周
遮斫營力勁駕飛橋於樹杪渡急溜於峯腰辛
酉奪其壘而據之飲馬之水皆赤燒岩之火尚
明大將軍巡其營疊視昨戰處曰其險如此非
我能克殆天佑也夫兵行愈速後路愈遠畏狼

docsriver 文川网
入驻商家 古籍书城

在文川网搜索古籍书城 获取更多电子书

轉戰師不宿飽伏蒙

聖天子宵旰運籌無微不至

特命文淵閣大學士孫

自察木多馳赴前歲曰

歲中一路軍械糧餉汝其任之以工部尚書和

為駐歲大臣曰自歲以西則和之責並

命叅贊大臣惠曰毋扭於接戰其濟隴以外則惠

之責轉輸之功與戰勝之功無異也由是轉

向載塗流錢溢市負戴不絕肩背相摩征人忘

呼癸之虞壯士享椎牛之樂晨餐增竈何須并
拜耿恭夜唱持籌不用沙量道濟六月庚午師
次噶多其時賊復亦多聚於東覺危燈一綫巔
崖萬刃刀光霍日人聲隔雲雷般而振霄鳶站
站而墮水衝波雪濺吐瘴烟凝濛壑夏寒本燭
龍不熙之地崇岡畫海是陽烏迴足之鄉大將
軍勒部曲嚴號令備器械裹餼糧繞行博爾東
拉山巔分前隊為三叅贊大臣公海 統之

又分前隊為二繞行噶多普山麓大將軍統之
兩路競發空壁逐戰復令護軍統領台裴英阿
等設疑兵於作木古拉巴載山梁與賊對拒廳
長旗之綵繚轟巨礮之砰礮賊衆眙眙息不
敢仰視大將軍率

乾清門侍衛額爾登保等督兵力搃賊衆潰亂僵
僕相藉恭贊大臣公海亦繞出賊上與大將
軍合癸酉全克其木城碉寨凡數十處追奔逐

北至於雍雅俘其頭目以歸聶拉木官兵亦連
克其鉄索橋隴岡進至利底絨轄之賊潛遁爰
檄諸神保等合兵於利底以壯聲援廓爾喀全
部震動惶懼惴服始遣人乞降大將軍曰此舉
將以緩我師也不可信且師不可老敵不可從
頽兵以待示之怯也嚴檄責之七月庚子復於
賊戢噶勒拉堆補木奪帕朗古橋直攻甲爾古
拉集木集深入賊境者七百里里俘擒斬獲凡

三四千計人怒未舒軍鋒益銳十盪十決軍其
郭中三絕三通來從天上膚功克奏戎

武維揚廓爾喀酋長喇特約巴都爾懼再遣頭

人詣營歸丹津班珠爾等歲其所掠札什倫布
金銀器物悉以獻出敬遣大頭人噶箕第烏達
特塔巴等奉表赴

闕恭進馴象番馬及樂工一部其餘方物充叔不
可勝計且報奉大將軍約毋敢再犯歲界永為

不叛之臣用申革面革心誓鞠臆

四我

皇上見其悔罪之忱洽以好生之德列其

王會俾與瓔瓊湔瑋之朝隸其樂於大常
侏兜離之後名駒躍塹充十二之

天閑香象渡河備

九重之僊伏洵足以宣鬯

皇威軒轅



帝載八月丁亥大將軍客而納款奏繞吹以班師臨
築三受降誠專閩頌五招討使朱旂華鼓威
知萬福威名赤鳥繡裳爭望今公顏色受降人

如赤子感僕射如父兄從此西域長寧投
後南人不及推如初伏惟我



皇上撫馭中外征討不庭廣綏來柔遠之人申先德
後刑之義罔敢輕干斧鉞自成五十七年之間

大武鴻功於茲十告爰綜前後

御製十全記以志之勒石於布達拉山前諸萬禩

典至鉅也 後事斯役與購簾功效叙其事而為

之銘曰

皇帝御寓

威溥埏紘攷圖數貢不諛是征桓桓將軍躬秉節鉞

走阿闐旅用張撻伐曰衛曰戡我生我民誰弛

師言侮於強鄰王師其來師武臣誅是不順莫

或於敵左執其角右抚其坑脩我戈矛峙乃稟

糧崇山連連隘不容馬問道用奇擊衆以寡七
戰七捷師不逾時賊勢窮蹙感匍匐陳辭

帝鑒厥誠赦彼前咎遣使伏

闕奉表愁首王師於來萬里震驚王師於返衛歲
底寧師行維勞戮力相向制勝克敵功並將將
軍不伐其告師徒凡此壯猷志東

廟謹

聖德不矜功成善讓大武十全胥歸

昊
賦

雙忠祠碑記

雙忠祠在前藏大昭東北向為駐藏大臣行署
朱爾墨特那木札爾之難駐藏大臣傅公拉公
死焉署亦燬於火番民感二公之忠烈因其舊
址請立祠尚像以記蓋以二公大有造於衛藏
也傅公諱清為康安世父乾隆十五年公以都
統奉

命駐藏左都御史拉布敦副之時朱爾墨特那木札

爾襲其父頗羅魯郡王封專藏事多不法公裁
抑之橫如故公廉其叛逆看迹密疏請便宜從
事以絕後患奏入

上以公孤懸絕城未可輕舉

命都統班第代拉公將明正其罪以申

國法

旨未至及謀益亟廣布私人凡駐藏大臣一舉動輒
偵邏之禁郵遞不得通潛結準噶爾為外援藏

docsriver 文川网
入驻商家 古籍书城

在文川网搜索古籍书城 获取更多电子书

中有異已者將盡誅之勢且延及達賴喇嘛為
雄長一方之計公如坐待其變事發而公必死
誘而誅之其羽翼已成象寡不敵而公亦死均
之死也母寧變速而禍小遂與拉公定審計以
十月十三日告其黨羅卜藏達竹曰召藏王來
有

旨令議事朱爾墨特那木札爾以公勢孤聞召不足
疑亦不設備公與拉公登接待之止其象於棧

下隨上者四五人公見之顏色不動如平時引
入臥室闔戶急掣佩刀砍之中項而僕從者競
前以楮擊其首立死羅卜藏達什在室門外聞
格門聲知禍發扶牕跳越告其壻第巴喇布坦
等號召賊衆須臾麇至鎗礮競發環攻之墻高
而固不能入賊乃積薪樓下烈燭四起樓焚賊
遂攀援而登公手刃數賊身被三傷力竭自刎
以殉拉公亦中創死吁烈矣哉夫衛藏距京師